



3. oktobari 2011

Tusagassiorfinnut nalunaarut

Kommuninut ataatsimoortumik 2012-imi tapiissutissat

Aningaasaqarnermut Naalakkersuisoq Maliina Abelsen aamma KANUKOKA-mi siulittaasoq Martha Abelsen ullumi kommuninut 2012-imi ataatsimoortumik tapiissutissat pillugit isumaqatigiissummik atsiuipput. Kommuninut 2012-imi ataatsimoortumik tapiissutit 1.061,7 mio. kr.-inik annertussuseqassapput.

Naalakkersuisut siunnersuuteqarsimapput kommunit maannamiit annertunerusumik inuiaqatigiinni innuttaasut agguataarnerisa allanngoriartornerat aningaasartuutaasussat pilersaaruserneraranni ilaatitalissagaat. Kommunilli tulluartautinngilaat innuttaasut agguataarnerisa allanngoriartornerat 2012-imit isumaqatigiissummi ilaatinneqassasoq apeqqutit arlallit suli qulaajagassaammata.

Taamaattumik illua'tungeriit isumaqatigiissutigaat suleqatigiissitamik pilersitsisoqassasoq missingersuusiortarneq pillugu nutsaamik Kommunit Namminersorlutillu Oqartussat akornanni isumaqatigiissutissamik innersuuteqartussamik, apeqqullu innuttaasut agguataarnerisa allanngoriartornerannut tunngasooq tassunga ilanngullugu qulaajarneqassasoq.

Naalakkersuisut kommunillu isumaqatigiipput Nunap Immikkoortuini Ineriartortitsinissamut Periusissaq (RUS), Meeqqanut Inuusuttuaqqanullu tunngatillugu Periusissaq (BUS) aamma Paasisutissiisarnermi Attaveqatigiinnermilu Periusissaq (IKT) annertunerusumik suleqatigiiffigalugillu ineriartortissallugit. Kommunit Namminersorlutik Oqartussallu ukiumut 2012-mut missingersuusiarni 30 mio. kr. anguniakkanut taakkununga immikkoortissavaat pisortat innuttaasunut sullissinerisa ineriartortittuarneqarnissaat qulakkeerumallugu.

Aningaasaqarnermut Naalakkersuisup Maliina Abelsenip aamma KANUKOKA-p siulittaasuata Martha Abelsenip pisortat missingersuusiortnerisa Inatsisartuni kommunalbestyrelsinilu suliari-neqarlutik aalangiiffigineqannginneranni piffissaagallartillugu isumaqatigiissuteqarnertik naammagisimaarpat.

Marluullutik qilanaaraat Naalakkersuisut kommunillu akornanni suleqatigiilluarnerulerneq nunarput tamakkerlugu pitsaasumik kinguneqarumaartoq.

Annertunerusumik paasisaqarniaraanni attavigineqarsinnaapput departementschef Jan H. Lyng-Pedersen tlf. 34 52 03 imaluunniit direktør Martha Labansen tlf. 36 21 00.



Maliina Abelsen
Aningaasaqarnermut Naalakkersuisoq



Martha Abelsen
Kalaallit Nunaanni Kommunit Kattuffiata
siulittaasua